

Nioqqutissanik eqqusuinermi akitsuutit pillugit Inatsisartut inatsisaata allanngortinneqarne ranik Inatsisartut inatsisissaattut siunnersuummut atatillugu tusarniaanermut akissutit tiguneqartut pillugit allakkiaq.

Aallarniut

Nioqqutissanik eqqusuinermi akitsuutit pillugit Inatsisartut inatsisaata allanngortinneqarneranik Inatsisartut inatsisissaattut siunnersuummut atatillugu tusarniaanermut akissutini tiguneqartuni immikkoortut pingaernerit allakkiami matumani naatsumik nassuiaatigineqarput.

Siunnersuutit ataatsimoortillugit tusarniutigineqarlutillu ataatsimoortillugit Inatsisartunit oqaluuserineqassapput.

Tusarniaaffigisat oqaaseqaataanni immikkoortut pingaernerit matuma kinguliani nalinginnaasumik naqinnerit atorlugit issuaavigineqarput aammalu Naalakkersuisut oqaaseqaataat uingasumik allanneqarlutik.

Inatsisissatut siunnersuummut atatillugu tusarniaaffigisat inatsisissatut siunnersuummut nalinginnaasumik nassuiaatini immikkoortoq 8-mi takuneqarsinnaapput.

Tusarniaanermut akissutit nassuiaatigineqarnerat

Nunanut allanut Naalakkersuisoqarfik

Qamutit motorillit nunat allamiut aallartitaqarfii nit imaluunniit konsuleqarfii nit imaluunniit aallartitaqarfii nit sulisunit qallunaatut innuttaassuseqanngitsunit pigineqartut § 1, imm. 2, nr. 3 malillugu akitsuuteqarteqannginneqarnerat maanna atuuttoq suli atuutsiinnarneqartariaqartoq Nunanut allanut Naalakkersuisoqarfimmit oqaatigineqarpoq.

Suinnessuut ilanngunneqarpoq.

Naalakkersuisut Siulittaasuata Naalakkersuisoqarfia

Naalagaaffeqatigiinnermi piumasaqaatit assigiiaartuunissaat eqqarsaatigalugu § 1, imm. 2, nr. 3-mi aalajangersagaq maanna atuuttoq suli atuutsiinnarneqartariaqartoq Naalakkersuisut Siulittaasuata Naalakkersuisoqarfianit oqaatigineqarpoq. Aalajangersakkami pineqarput qamutit motorillit nunat

allamiut aallartitaqarfiinit imaluunniit konsuleqarfiinit imaluunniit aallartitaqarfinni sulisunit pigineqartut.

Nunanut allanut Naalackersuisoqarfimmit tusarniaanermut akissummut akissuteqaat siuliani allassimasoq innersuussutigineqarpoq.

KNAPK

Nioqutissanik eqqussuinermit akitsuutit atorunnaarsinneqarnissaat kiisalu qamutitut nunaannakkoorutitut sisamanik assakaasulinnut akitsuutit annikillisinneqarnissaat ilaasortanut iluaqutaassasoq KNAPK-mit oqaatigineqarpoq. Pingaartumik inuussutissarsiutigalugu umimmanniarnermit qamutinik motoorilinnik nunaannakkoorutitik taakkulu atortussaannik assigisaannillu atugassaarnissaq pingaaruteqartoq KNAPK-mit oqaatigineqarpoq.

KNAPK-mit siunnersuut taama taperserneqarmat Naalackersuisunit iluarisimaarneqarpoq.

Innuttaasumit Bjørn Bjerregaardimit (BB) tusarniaanermut akissut

Plug-in hybridbiilimi inissaqassuseq avatangiisinullu mingutsitsinnginnissaq eqqarsaatigalugu pisariaqartitanut naapertuisumik pigisaqarluni BB-p oqaatigaa. Qamutit motoorillit qamutitut motoorilinnut mikinernut oqinnerpaatut akitsuutilinnut taartissatut pisarineqarput, tamatumani plug-in hybridbiilinit akitsuutip 4.500 kr.-it sinnerlugit annertunerunnginnissaa naatsorsuutigalugu, aningaasallu annertussusiat tamanna akitsuutit allannngortinneqarnissaannik siunnersuummi siusinnerusukkut nassiunneqartumi aammalu 2017-imi tusarniutigineqartumi allassimalluni. Taamaattorli siunnersuut maanna saqqummiunneqartoq malillugu akitsuut ukiumoortumik 17.000 kr.-it sinnerlugit annertussuseqassaaq. Akitsuutilu qaffariaatissaata tamatuma BB-p naliliinera nassatarisaannik biilini tuniartariaqassavaa, tassungalu taarsiullugu qamutinik motoorilinnik benzinamik dieselimilluunniit ingerlateqartunik pisariaqassalluni.

Tassunga atatillugu BB-mit apeqquserneqarpoq avatangiisinik eriarinninnissaq eqqarsaatigalugu tamanna tulluartaunersoq, tamatumunngalu peqatigitillugu snescooteritut ATV-nullu, BB-p isumaa malillugu avatangiisinut mingutsitsisunut akitsuutit atorunnaarsinneqarnissaannik siunnersuutigineqarneq ilumut isumatusaarnerunersoq avatangiisinullu mianerinninnerunersoq innersuussutigalugu.

Isumaginninnermut Inatsisinillu Atuutsitsinnermut Naalackersuisoqarfik

Pissassarfik (nuna tamakkerlugu innarluutilinnik sullissivik) suliffeqarfiup biilnik inunnik annertuumik innarluutilinnik mittarfiup sullissiviullu akornanni (unnisarfilinni) assartuinnermut kiisalu inunnik annertuumik innarluutilinnik Pissassarfimmi sungiusariartunik assartuinnermi biilnut

allanut atukkaminut akitsuuteqartinneqannginnissaat kissaatiginartoq Isumaginninnermut Inatsisinillu Atuutsitsinnermut Naalakkersuisoqarfimmit (IIAN) oqaatigineqarpoq.

Qamutit motorillit akileraarutaat pillugit Inatsisartut inatsisaata allannngortinneqarneranik Inatsisartut inatsisaanni nr. 18, 30. oktober 1992-imeersumi § 19 kiisalu § 1, imm. 3 naapertorlugu qamutit motorillit innarluutilinnut naatsorsuussaappata taakku eqqunneqarnerannut qamutinullu motorilinnut tamakkiisumik ilaannakortumilluunniit akitsuuteqartinnginnissaat pisuni immikkut ittuni Naalakkersuisunit akuerineqarsinnaavoq. Akitsuuteqartitsinnginneq immikkut naliliinikkut atuutsinneqarsinnaavoq.

Immikkut iliuitsit inatsimmi nalunaarsukkanut ilanngunneqarnissaat Naalakkersuisut kissaatiginngilaat. Akitsuuteqartitsinnginnissaq siumut qinnuteqarnikkut naliliinikkullu aammalu pisunut allanut atugassarititaasut malillugit pisinnaavoq.

Innuttaasumit tusarniaanermut akissut, Carl Sværd (CS)

CS-imit oqaatigineqarpoq plug-in hybridbiilinit akitsuuteqartitsinnginneq unitsinneqarpat aammalu eqqussuinnermut akitsuuteqartitsisoqalerpat plug-in hybridbiilinit piginninnissaq imminut akilersinnaajunnaassasoq. CS-ip ilimagaa taamaattunik piginnittut amerlanerit biilinit benzinamik dieselimilluunniit ingerlatilinnut nuussasut, taamaalillunilu CO2-mik aniatitsineq annertuseriarujussuassasoq.

Plug-in hybridbiilinit akitsuuteqartitsinissamik siunnersuuteqarnermik avatangiisinut iluaqutaasussat pillugit BB-mut akissut innersuussutigineqarpoq.

Aammattaaq CS-imit oqaatigineqarpoq snescooterit ATV-llu 70-80 pct.-iisa missaat inuussutissarsiornermut atorineqanngitsut. Tassunga atatillugu CS-imit oqaatigineqarpoq taakku "microbiilit" annertoqatigingajagaannik CO2-mik aniatitsisut. Tassunga atatillugu CO2-mik aniatitsinerup annikillisarneqarnissaanik siunertamut tamanna qanoq atassuteqarnerisq CS-imit apeqqutigineqarpoq?

Snescooterinut ATV-nullu akitsuutip atorunnaarsinniarneqarneranut tunngavigineqartoq tassaavoq qamutit motorillit taamaattut qamutinut motorilinnut nalinginnaasunut sanilliullugu illoqarfinni mikinerni nunaqarfinnilu atorineqartussatut tulluarnerrullutillu atoruminarnerunerat. Tamatumani ilaatigut eqqarsaatigineqarput, aalisarneq, piniarneq eqqagassalerinermillu suliassat. Qamutit motorillit taamaattut aamma qamutinut motorilinnut nalinginnaasunut sanilliullutik aqqusinernik nungusaataannginnerupput.

Microbiilit biilinit anginerlut sanilliullugu atussallugit isumannarnerujussuusooq uppersaatissaqartoq aammalu biilit taamaattut pingaartumik ukiukkut angallatigiuminaatsorujussuusut CS-imit oqaatigineqarpoq.

Tassunga atatillugu CS-imit oqaatigineqarpoq nammineq misilittakkani malillugit microbiilit 'Kia Picanto'-mik nalunaaqutillit biilitut anginertulli ikummatissamik atuisartut, taamaalillutillu avatangiisinut mingutsitsinerat assigiittoq.

Biilit mikinerit angallatiginissaannik isumannaatsuunissaq aallunneqarnerujartortoq Naalakkersuisut naliliipput. Biilinit mikinerlut akitsuutit annikillissinnerisigut innuttaasoq biilinit isumannaallisaanermut atortulinnik pisinissamut aamma akissaqarnerulissaaq. Tamatuma saniatigut microbiilit biilinit allanut sanilliullugit isumannarnerunerat uppersisinniarlugu nunatsinni misissuisoqarsimanera Naalakkersuisunit ilisimaneqanngilaq.

CS-imit oqaatigineqarpoq plug-in hybridbiilit ikummatissaannarmik atuissappata tamanna aningaasaqarnikkut immi akilersinnaanngitsoq. Tassunga atatillugu CS-imit oqaatigineqarpoq plug-in hybridbiilit 70-90 procentii bateerinit immiisarfinnut attaveqartassasut.

Aammattaaq CS-imit oqaatigineqarpoq, plug-in hybridbiilit oqimaassusiannut 1/1-imit akitsuuteqartitsisoqalissappat aammalu eqqunneqarneranni akitsuuteqartitsisoqalissappat biilinit innaallagissamik ingerlatilinnik/hybridbiilinit piginninnissaq avatangiisinut aningaasaqarnikkulluunniit iluaquteqarnavianngitsoq. Taamaattoqassappat biilinit taamaattunik eqqussuineq annikilleriaateqarujussuassaaq. Annikilleriaat 92 procentit missaannik annertussuseqassasooq CS-imit ilimagineqarpoq, tamatumani innersuussutigaa Danmarkimi misilittakkat takutikkaat biilinit innaallagissamik ingerlatsilinnik/hybridbiilinit tunisat ullormut 12-iniit maanna ataasiinnarmut ikileriaateqarnerat.

Plug-in hybridbiilinit akitsuuteqartitsilernissamik siunnersuuteqarnermik avatangiisinut iluaqutaasussat pillugit BB-mut oqaaseqaat innersuussutigineqarpoq.

Siunnersuut avatangiisinut, pingortitamut innuttaasulluunniit peqqissusiannut kinguneqassanngitsoq siunnersuummi oqaatigineqartoq innersuussutigalugu tamanna paasisat malillugit eqqunngitsoq CS-imit oqaatigineqarpoq. Biilinit innaallagissamik ingerlateqartunut aammalu plug-in hybridbiilinit akitsuuteqartitsisoqalissappat biilinit innaallagissamik ingerlateqartunik/hybridbiilinit piginninnissaq immikkut akilersinnaajunnaassasooq, taamaattumillu taamaattunik pigisallit biilitik tunillugit biilinit benzinaamik dielselimilluunniit ingerlateqartunik pisinissaat naatsorsuutigineqarsinnaasooq CS-imit oqaatigineqarpoq.

Biilinik innaallagissamik ingerlatilinnik aammalu plug-in hybridbiilinik tuniniaanerup qanoq ingerlalernissaa siumut nalileruminaappoq. Taamaattumillu tamatuma ineriartornera Naalakkersuisunit sukumiisumik malinnaaffigineqassaaq aammalu siunnersuummi siunertarineqartut allaanerujussuarmik nassataqassappata akitsuutit allanngortinneqarnissaat isumaliutigissallugu.

Aammattaaq The Guardian aamma Politiken malillugit nunani allani, tassungalu ilanngullugu England, Tyskland aamma Frankrigimi biilinut innaallagissamik ingerlateqartunut hybridbiilinullu akitsuutit ineriartornerat CS-imit nassuiaatigineqarpoq.

Englandimut atatillugu oqaatigineqarpoq biilit dieselimik benzinamillu ingerlatillit inertequtaalernissaat sulissutigineqartoq, tamatumunngalu taarsiullugu attaveqaatinut bateerinillu immiisarfinnut kiisalu plug-in hybridbiilinut 100 mio. pundinik aningaasaliisoqassasoq. Tysklandimut atatillugu oqaatigineqarpoq Englandimisulli biilinik dieselimik benzinamillu ingerlatillit atorunnaarsinneqarnissaat sulissutigineqartoq, tamatumunngalu taarsiullugu biilinik innaallagissamik ingerlatilinnut hybridbiilinullu tapiissuteqartoqartarpoq taamaattunillu piginnittunut aningaasartuuteqartitsisoqarnani. Kiisalu oqaatigineqarpoq Frankrigimi aamma 2040-imit biilit benzinamik dieselimillu ingerlatillit inertequtigitinniarneqalersaartut. Ukiumi tassani taamaallaat biilit innaallagissamik nukissiuutinilluunniit ingerlateqartunik tuniniaasoqarsinnaalissaaq. Hybridbiilit atorneqarsinnaanerit ingerlaannassaaq.

Kalaallit Nunaanni biilinik innaallagissamik ingerlatilinnik/hybridbiilinik atuinerup ineriartortinneqarnissaa pinnagu innuttaasut biilinik benzinamik dielseimillu ingerlatilinnik atuinissamik kajumissaarneqarnissaat siunnersuutigineqarmat Politiken aamma The Guardianimi atuagassiat siunnersuutikkut paatsoorneqartut CS isumaqarpoq.

Innuttaasut biilinik benzinamik dieselimilluunniit ingerlatilinnik nalinginnaasunik pisinissamut kajumissaarneqarnissaat siunnersuummi siunertarineqanngilaq, taamaattorli biilinik sapinngisamik CO2-mik aniatitsinngitsunik pisinissamut kajumissaarniarneqarlutik. Tassunga atatillugu plug-in hybridbiilit qanoq aniatitsitigisinnaanerit ilisimaneqanngilaq, tassa biilit taamaattut ikummatissamik qanoq atuitiginissaat apeqqutaammat.

Pinnagortitamut Avatangiisinullu Naalakkersuisoqarfik

Biilit innaallagiamik brintimilluunniit taamaallaat ingerlatillit eqqussuinermit akitsuuteqartinneqannginnissaat siunnersuummi siunniunneqarmat, taamaalillunilu biilinik

innaallagissamik brintimilluunniit ingerlatilinnik pisinissamut kajumissuseqalersitsisoqassammat pitsaasuusooq Pinnngortitamut Avatangiisinullu Naalakkersuisoqarfik isumaqarpoq.

Pinnngortitamut Avatangiisinullu Naalakkersuisoqarfiup siunnersuummut tapersimmat Naalakkersuisunit iluarisimaarneqarpoq.

Kommuneqarfik Sermersooq (KS)

Taamaattorli eqqusuinermit akitsuutit pingaarnert plug-in hybridbiilinit atuutsinniarneqarnerat KS-init isumaqatigineqanngilaq. Eqqusuinermit akitsuut ullumikkut plug-in hybridbiilit ima akitsortitsigissagaat tuniniaaneq unittuussasoq aammalu taamaalilluni biilit avatangiisinut mingutsitsinnginnerusut silallu pissusaanut sunnuteqannginnerusut anguniarneqarnerat unittuussasoq KS naliliivoq.

Plug-in hybridbiilinit akitsuuteqartitsinissamik siunnersuuteqarnikkut avatangiisinut iluaqutaasussat pillugit BB-mut oqaaseqaat innersuussutigineqarpoq.

Naalakkersuisut silap pissusia pillugu periusissiaat eqqarsaatigalugu Nuuk nunarsuarmi illoqarfiit pingaarnersanit CO₂-mik aniatitsiffiunngitsutut siullertut anguniarneqartoq KS-imit oqaatigineqarpoq. Taama anguniagaqarnermit biilit avatangiisinut mingutsitsinngitsut pingaaruteqarluinnarpoq, KS-imit nalilernerqarmat Nuummi inuit nunakkut angallataat siunissami qaninnermit CO₂-mik aniatitsisuujuunaarnissaat periarfissaqarmat. Inatsisissatut siunnersuutip nassatarisaanik avatangiisit eqqarsaatigalugit biilit avatangiisinut mingutsitsinnginnerusut atuutsinneqalersinniarnerat kingusinaartinneqarujussuassasoq KS-imit oqaatigineqarpoq. Taamaattumillu kommunip avatangiisitigut silallu pissusaa eqqarsaatigalugu anguniagai siunnersuummut akerliupput aammalu tassaalluni nunatsinni erngup nukinganik innaallagissiornikkut uuliamik eqqusuinerup annikillisarneqarnissaa pillugu naalakkersuisuusimasut siunniussaat Naalakkersuisunit puigorneqarsorinartoq KS inerniliivoq.

Pinnngortitamik mingutsitsinngitsunik atuilernissaq kiisalu biilnik innaallagissamik ingerlateqartunik atuinerup ikorfartorneqarnissaa pillugu Pinnngortitamut Avatangiisinullu Naalakkersuisoqarfimmut oqaaseqaat innersuussutigineqarpoq.

KS-imit oqaatigineqarpoq biilit innaallagissamik ingerlatillit atorneqarnerannik siuarsaanikkut avatangiisit silallu pissusaata illersorneqarnissaat Naalakkersuisunit kissaatigineqarpat siunissamut ungasinnerusumik isigisumik iliuuseqarnissaaq pisariaqartoq. Tassunga atatillugu KS-imit oqaatigineqarpoq Norgemi akitsuuteqartitsinnginneq atuutsinnarneqartoq, naak biilik affaanit amerlanerit plug-in hybridbiiliugaluartut imaluunniit innaallagissamik ingerlateqaraluartut.

Biilnut akitsuutit ukiuni aggersuni iluarsartuunneqarnissaat Naalakkersuisunit naatsorsuutigineqarpoq, taamaalilluni akitsuusiisarnermi avatangiisinik eriaginninnissaq annertunerusumik ilanngullugu eqqarsaatiginiarneqassalluni. Maannamulli biilit, Worldwide harmonizes Light Vehicle Test Proceduremik (WLTP) taagorneqartut aammalu kingusinnerpaamik 2020-p naanerani atorneqalertussatut naatsorsuutigineqartut nukissamik atuinerannik uuttortaait atorlugit nutaamik periuseq malillugu akuerineqarnissaat Naalakkersuisunit utaqqimaarneqarpoq.

Naalakkersuisut avatangiisinut periusissiaat KS-imit taperserneqarpoq, ilaatigut tamatumani ilaqutariinnut arlariinnut inissianik nutaanik sanaartornermut aammalu inissiaqarfinni ataasiakkaani biilnut innaallagissamik immiisarfinnik pilersitsineranut atatillugu piumasaqaateqarluni.

Qamutit motorillit innaallagissamik brintimilluunniit taamaallaat ingerlateqartut kiisalu plug-in hybridbiilit, biilit nutaat taakku nunarput tamakkerlugu siaruarluarsimalernissaasa tungaanut, nunattalu CO₂-mik aniatsitsineranik annertuumik annikillisisinissaasa tungaanut akitsuusigaanngikkallarnerisa sivitsorneqarneratigut Naalakkersuisut nungusaataanngitsumik avatangiisinullu iluaqutaasumik ineriartornermik tapersiinnerminnik ingerlatsiinnarnissaat KS-ip kaammattuutigaa.

Inatsisissatut siunnersuutip Naalakkersuisullu klima pillugu pingaarnertut periusaanut ataqatigiittunngorlugu inatsisissatut siunnersuutit allanngortinneqartariaqartut KS isumaqarpoq.

Qamutit motorillit innaallagissamik brintimillu ingerlatillit akitsuuteqartinnginneqarallarnernani siunertarineqartoq tassaavoq piffissap ineriartortitsiviusup aallartinnerani qamutininik motorilinnik innaallagissamik brintimillu ingerlatilinnik kiisalu plug-in biilininik pisinissami atugassarititat pitsanngorsarneqarnissaat, taamaalillunilu Kalaallit Nunaata CO₂-mik aniatitaata tamarmiusup annikillisarneqarnissaa. Biilit Kalaallit Nunaanni atorneqarneruleriartornerat ilutigalugu akitsuut nalinginnaasunngortikkiartuaarneqartussaassaaq.

Biilnut innaallagissamik brintimillu ingerlatilinnut kiisalu plug-in hybridbiilnut 2019-imit akitsuuteqartitsilernissamik siunnersuuteqarnermi tunngavigineqartoq tassaavoq biilit taamaattut ullumikkut biilnut qangaaniilli atorneqartunut taarsiullugit atorneqalersinnaasutut ullumikkut naatsorsuutigineqareermat.

Taamaakkaluartoq qamutit motorillit nunap iluaneersunik ingerlatillit salliutinneqarnissaat Naalakkersuisunit kissaatigineqanngilaq, taamaattumillu biilit innaallagissamik brintimillu ingerlatillit eqqunneqarneranni akitsuuteqartitsinnginnerup atuutsiinnarneqarnissaa

siunnersuutigineqarpoq, taamaalilluni biilnik nunap iluaneersunik ingerlatilinnik atuinerup annikillisaarnissaanik kajumissaarinikkut Kalaallit Nunaata CO2-mik aniatitaanik tamarmiusumik annikillisaaniarnermik tunngavissat attatiinnarumallugit.

Snescooterinut ATV-nullu akitsuutip atorunnaarsinneqarnissaanut tunngavigineqartoq tassaavoq taakku qamutitut motorilinnut nalinginnaasunut sanilliullugu pisutigut amerlasuutigut illoqarfinni mikinerni nunaqarfinnilu atussallugit tulluarnerrumata atoruminarnerullutillu. Tamatuma peqatigisaanik qamutit motorillit taamaattut nalinginnaasunut sanilliullugu mingutsitsinnginnerusutut nalilernerqarput.

Tamanna tunuliaqutaralugu inatsisissatut siunnersuutip Naalakkersuisullu klima pillugu pingaarnertut periusissiaannut ataqatigiinngissuteqartoqanngitsoq Naalakkersuisut isumaqarput.

Innuttaasumit tusarniaanermut akissut, Thomas Riis (TR)

Biilit innaallagissamik ingerlatillit tamarmik inuiaqatigiinnut aningaasaqarnikkut iluanaarutaasut TR-ip oqaatigaa. Ingammik illoqarfinni erngup nukinganik innaallagissamik pilersorneqartuni, tassani benziina eqqussugaq pisiarinagu, piffimmi innaallagiasq pilersitaq Nukissiorfinnit pisiarineqartarpoq.

Biilit innaallagissamik ingerlateqartut eqqusuinermiluunniit akitsuummik akilisitsisoqanngikkaluarpalluunniit, biilinit benziinatortunit taakkununnga assingusunit akisinerunerat TR-ip oqaatigaa. VW up benziinatortoq akikinnek maanna akitsuutit atorlugit 125.000 kr-it missaannik akeqartoq, innaallagiartortorlu akikinnek VW e-up 189.000 kr-eqartoq TR-ip ilanngullugu oqaatigaa. Tamatumalu saniatigut innaallagissap akianut qaffasissorujussuarmut sanilliullugu maanna benziinap akiata appasissorujussuunera pissutigalugu taakku benziinatortutulli akeqangajannerat ilanngullugu oqaatigaa.

TR-ip tamanna tunngavigalugu ullumikkut innaallagiatortumik toqqaanissamat marluk iluaqutaanerat oqaatigaa. 1) avatangiisit nunattalu aningaasaqarnera, aamma 2) qamutitut motorilinnut akitsuummut ilaatinneqannginneq. Siunnersuut akuersissutigineqassappat tunngavik nr. 2 piissaaq TR-illu isumaa naapertorlugu Kalaallit Nunaannut biilnik innaallagiatortunik eqqussuisoqaqqinnaviannngilaq.

Naggasiullugu inatsisissatut siunnersuutip illoqarfinni avatangiisinik pitsaannginnerusunik, nunatta aningaasaqarneranik pitsaannginnerusumik kiisalu innuttaasunut nunarsuullu sinneranut Kalaallit Nunaata avatangiisinut qajassuartumik politikimik ingerlatsiumannngissusaanik

nalunaaruteqarneratut nalunaarnertut innissaa TR-ip oqaatigaa, tamannalu naalakkersuisooqatigiinnermi isumaqatigiisummut naapertuutissannginnerarpaa.

Biilit innaallagiatortut brintimillu ingerlateqartut eqqussorneqarnerannut akitsuut allanngortinneqassanngitsoq Naalakkersuisut malugaat. Taakku suli eqqussuinnermut akitsuummumt ilaassanngillat. Taamaammallu biilit innaallagiatortut pisiarineranni aningaasartuutit siunnersuummit sunnerneqassanngillat.

Sulisitsisut (GE)

Ukiuni kingullerni marlunni-pingasuni qamutinut motoorilinnut akitsuusersueriaatsip qanoq toqqammavilerneqarsinnaaneranut angusaqarfiusumik ataatsimiititaliami sulisoqarsimanagera GE-p oqaatigaa, taamaalilluni biilit innaallagiatortut hybridbiilillu nunatsinni niuerutaalersinnaaqullugit.

Ataatsimiititaliami sulineq ”oqimaaqatigiisumik inerneqassasoq” GE-p oqaatigaa, taamaalilluni ungasinnerusog isigalugu nunatta karsianut annaasaqaataassanani.

Biilit innaallagissamik ingerlateqartut hybridbiilillu maanna ima amerlatigilersimasut, allaat hybridbiilit eqqussuinnermi qamutinullu motoorilinnut akitsuummik kiisalu innaallagiatortut qamutinut motoorilinnut akitsuuserneqarsinnaalertariaqarnerat tusagassiuutini eqqunngitsumik saqqummiunneqartoq GE-p oqaatigaa. Tassunga tunngatillugu 2014-p kingorna plug-in hybridbiilit 400-t missaat kiisalu biilit innaallagissamik ingerlatillit 40-t missaat tunineqartut GE-p tapiliullugu oqaatigaa. Tamanna tunngavigalugu siunnersuutigineqartutut akitsuusiinissamut eqqussukkat suli amerlassuseqalinngitsut GE isumaqarpoq.

KS-p tusarniaanermut akissutaanut akissummi nassuiarneqartutut plug-in hybridbiilinut akitsuutit nalinginnaasunngortinneqarnissaat siunertaavoq. GE-p akissutaani takuneqarsinnaasutut ukiuni kingullerni plug-in hybridbiilit amerlassusaat annertuumik qaffariarpoq (biilit 400-t)

Oqaatigineqareersutut plug-in hybrid biilit qanoq klimamut avatangiisinullu qajassuartiginerat apeqquserneqarsinnaavoq , tamatumanimi atuisup pissusilersornera, ingerlaarnermi motorip orsussamik ingerlateqartup qanoq annertutigisumik atorineqartarnera mootorillu qanoq sakkortutiginera apeqqutaavoq. Ilanngullugulu biilit taakku oqimaatsuunerat oqaatigineqassaaq. Siunnersuummittaaq biilit innaallagissamik brintimillu ingerlateqartut pitsaasumik iliuuseqarfigineqarnerisa nanginnissaat siunertaavoq.

Tusarniaanermi allakkami ”hybridbiilit pigissaarnerusunit atorineqartarnerat”-nik allassimaneq soqutaannginnerarpaa, biilillu innaallagiatortut hybridbiilillu tunineqartarnerisa

pilerinarnersinnissaannik aalajangerup kingorna biilit sorliit innaallagiatortuunerat sorliillu hybriduunerat ilisimaneqareersoq, taamaammallu aamma taakku akii ilisimaneqareersut innersuussutigaa.

Biilit innaallagiatortut hybridillu nunarsuaq tamakkerlugu nioqqutigineqarnerat aatsaat aallartiseruttortoq GE-p oqaatigaa, tamannalu ilaatigut biilit akiinut sunniivoq. Biilit innaallagiatortut hybridillu tunineqarnerat pilerinarnersikkaanni, tamanna GE-p isumaa naapertorlugu biililiortut amerlanerit taakkuninnga tunisassiulernerata ingiaqatigalugu taakku akii appariartulissapput.

GE-p isumaa naapertorlugu biilinut innaallagiatortunut hybridbiilinullu eqqussuinermit akitsuut misissuilluarnermik tunngavilersorluakkamillu toqqammaveqartariaarpoq, GE-llu isummaa naapertorlugu siunnersuutigineqartoq taamaanngilaq.

Naalakkersuisut ukiuni aggersuni ataatsimiititaliat maanna sulisut suliaat aallaavigalugit qamutitut motoorilinnut akitsuutinik aqqissuusseqinnissartik naatsorsuutigaa.

Maannakkuugallartoq biilit akuerineqarnerminnut atatillugu biilit orsussamik atuinerannik uuttukkamik akuerseriaaseq Worldwide harmonized Light vehicle Test Procedure (WLTP) taaneqartoq, kingusinnerpaamik 2020-p naanerani atulersussatut naatsorsuutigineqartoq utaqqineqarallarpoq.

Pissutsit marluk matumani pineqartut Naalakkersuisut naliliipput. Siullertut biilit innaallagiatortut brintimillu ingerlateqartut kiisalu plug-in hybridit akitsuutaannik kigaatsumik nalinginnaasunngortitsineq nunatta karsiata isertitassanik annaasaqarsinnaaneramik aarlerinartorsiortitsivoq, akerlianillu sukkasuumik nalinginnaasunngortitsineq Kalaallit Nunatsinni biilit innaallagiatortut siaruariartornerannut innarliissaaq.

Taamaammatt Naalakkersuisut ineriartornermik qanimut malinnaalersaarput, siunnersuutillu toqqammavigisai annertuumik allannguuteqariataassappata akitsuutinik allannguinnissaaq eqqarsaatersuutigineqalersaarpoq.

Kalaallit Nunaanni biilit tunisat amerlassusaat biililiortut pissusilersornerannik allannguisinnaangitsoq Naalakkersuisut isumaqarput.

Plug-in hybridbiilit eqqussorneqarneranni akitsuusernerisigut, biilit taakku biilinut benziinatortunut dieselimillu ingerlateqartunit 75 procentit missaannik akisunerulissasut GE-p oqaatigaa, tamannalu GE-p isumaa naapertorlugu tunineqarnerinut unitsitsissaaq.

Biilit innaallagiatortuinnaat taamaallaat qamutit motorillit akitsuutaannaannilluunniit akitsuuserneqaraluarpata, taakku hybridbiilinit taartaanaviannngitsut, tassunga ilanngullugu GE oqarpoq.

Taamaalillunilu siunnersuut avatangiisinut mianerinnittuunermik Kalaallit Nunaata ullumikkut nunarsuarmioqatigiit akornanni isigineqaatigisaanut innarliissasoq GE isumaqarpoq.

GE-p isumaa naapertorlugu siunnersuutip tungavilersuutai uppernarsaatitaqaratillu uungaannaq isigisuupput, tamannalu Siunukkunnit IA-kkunillu, nunatsinni innuttaasut 66 procentiinik tunuliaqutaqartunik taparserneqanngilaq.

Plug-in hybridbiilit eqqussuinermit akitsuuserneqarneranut avatangiisinut tamatumalu isumatusaartuunera pillugu KS-mut oqaatigisat innersuussutigineqarput.

Tamannalu tunuliaqutaralugu inatsisissatut siunnersuut Naalakkersuisullu klima pillugu ataatsimut periusissiaat imminnut ataqatigiittut Naalakkersuisut isumaqarput.

Kalaallit Nunaanni attaveqaatit kiisalu plug-in hybridinik piginnittut amerlasuut annertunertigut biilip motorianik orsussamik ingerlateqartuik atuisarnerat pillugu tusagassiuutinilu oqallinneq innersuussutigalugit GE-p paasissutissanik brancheudvalget for Service og Teknikimi pissarsiaasa akerlianik plug-in hybridbiilini piginnittut amerlanertigut motorit innaallagissamik ingerlateqartoq atortaraat paasinarsisippaa, taannalu illoqarfimmi arlalinnik immiiveqarpoq, soorlu pisiniarnermi immerneqarsinnaasarluni.

Tassunga atatillugu GE-p akitsuusiinani immiinissamut periarfissanik ineriartortitsinissaq kaammattuutigaa.

Avatangiisinut tunngasut kiisalu plug-in hybridbiilit eqqussuinermit akitsuuserneqarnissaannik siunnersuutip pitsaasuunera pillugu BB-mut oqaatigisat innersuussutigineqarput.

Naalakkersuisulli illoqarfimmi immiiffinnik ineriartortitsineq sulissutigilersaarpaat.

GE naggasiullugu Naalakkersuisunut arlalinnik siunnersuuteqarpoq.

Plug-in hybridbiilit eqqussuinermit 10 procentimik akitsuuserneqassasut siunnersuutigineqarpoq, taannalu plug-in hybridbiilit qamutinit motorilinnut akitsuutip angunissaata tungaanut kingorna

ukiumut 5 procentimik qaffanneqartassaaq. Ilanngullugu biilit innaallagiatortut plug-in hybridbiillu ukiumut qamutit motorillit akitsuutaannik 5.000 kr-imik ukiumut procentimik aalajangersimasumik ilaneqartartumik akitsuuserneqarnissaat siunnersuutigineqarpoq. Naggasiullugulu plug-in hybridbiilit biillu innaallagiatortut isaterneqarnerinut ukiumut 1.000 kr-inik akitsuuserneqarnissaat kiisalu ataatsimiititaliap siunnersuutigisimasaatut qamutit motorillit nukissiamik atuinerat aallaavigalugu nalimmassarneqartassasoq GE-p siunnersuutigaa.

Siunnersuut naatsorsuutigineqartutut nunatta karsianut iluanaarutaassanngitsoq, taamattaarlu taanna eqqunngitsumik paatsuuinermillu tunngaveqarsorinartoq GE-p oqaatigaa.

Taamaammatt siunnersuut itigartinneqassasoq akitsuutillu taakku qajassuarnerusumik eqqunneqarnissaat misissorneqassasoq GE-p siunnersuutigaa.

Siunnersuutip tunuartinneqarnissaa siunnersuutilluunniit iluanaarutissaanut apeqqusiinissamut Naalakkersuisut pissutissaqarsorinngilat.

Arctic Star Aps (AS)

AS-ip suliffeqarfimik ilisarititserernermi kingorna ukiuni kingulliunerusuni suliffeqarfiup siusinnerusumut sanilliullugu qamuterallannik inuussutissarsiortunut inuussutissarsiornermullu atugassatut amerlanerusunik tunisisarnerujartornertik oqaatigaa, peqatigisaanillu qamutinik motorilinnik nunakkoortunik tunisat amerliartornerat oqaatigalugu (ATV/UTV).

AS-ip qamutit taakku nunatsinni atugassaqqissuunerarpai, soorlutaaq taakku aamma nunaqarfinni illoqarfinnilu minnerusuni, illoqarfissuarnut sanilliullugu aqqusinerissanngitsunut naleqqunnerarlugit. Taakku saniatigut ATV/UTV-nut atatillugu taakku orsussartornikinerunerat, taamaammallu mingutsitsinnginnerunerat oqaatigaa.

AS-ip qamuterallannut qamutinullu nunakkoortinut minnernut eqqussuinermi akitsuummut akiliisitsisarunnaarnissamik siunnersuut iluaraa. Siunnersuut atuisunut pitsaasumik sunniuteqassasoq, taamaalillutillu piminnik pisoqqanik nutaanik orsussartornikinnerusunik taassiinerannik siunnersuut iluaqutaasumik sunniuteqassasoq AS-ip oqaatigaa.

AS-illi suliffeqarfik nioqqutissanik suli tunineqanngitsunik uninngasuutinik annaasaqassasoq oqaatigaa, soorlutaaq suliffeqarfik pituttuisuusumik tunisassiortumut inniminneereersoq oqaatigalugu. Aappaatigut siunnersuut akuerineqassappat, suliffeqarfik tunisaqarnerussaagunarpog.

Arctic Star ApS-ip siunnersuummik tapersiinera Naalakkersuisut iluarisimaarpaat.

Allannguinnermut atatillugu siunnersuutip nassatarisaanik suliffeqarfiup annaasaqarsinnaaneranut tunngatillugu, siunissami akitsuusiinikkut isumaqatigiissummut iluaqutaasumik ajornerulersitsisumilluunniit sunniut illuatungeriit isumaqatigiisusiornerannut attuumassuteqartuunera, taamaalillunilu akitsuummik allannguinnermi ilanngunneqartannginnera oqaatigineqassaaq.

AutoNord ApS (AN)

Suliffeqarfiup nioqquteqartutut pisisartut avatangiisinik mianerinninnermik aallussisut biilnik innaallagiartortunik piumasarnerat oqaatigaa, akerlianillu plug-in hybridbiilnik perusuttartut akitsuuteqannginnerannik toqqammaveqarnerusarnerat AN-ip oqaatigaa.

Kalaallit Nunaanni biiliserusussuseq ataatsimut isigalugu aningaasaqarnerup inissisimaneranik malinnittartoq, taamaalillunilu toqqaannartumik akitsuusersuinnermut attuumassuteqanngitsoq, AN naatsorsoqqissaakkat kingullit innersuussutigalugit naliliivoq. AN-illi biilit innaallagiartortut/plug-in it agguarneqarnerat akitsuutit qanoq inneranik aquneqartoq oqaatigaa, biilimmi innaallagiartortut biilnut nalinginnaasunut sanilliullutik akii pisisartumut assigiimmata. Taamaammat eqquusuinnermi akitsuutunik allangortitsineq piuanermit tamarniusumut sunniuteqassanngitsoq AN naliliivoq, taamaallaalli biilit benziinamik/dieselimik/Innaallagissamik ingerlatillit piuaneqarnerat annertusissasoq, plug-in hybridillu piuaneqarnerat annikillissasoq. Biilit innaallagissamik ingerlatillit pisiassat amerlanngitsuummata, pisisartut plug-in hybridinit benziinartortunut nuunnissaat AN-ip naliliutigaa. Taamaamallu isertitaqarnerunissamik naatsorsuuteqarneq piviusorsiortoq AN naliliivoq.

Siunnersuutip siunertaa assigalugu akitsuutip allanngornerata nassatarisaanik biilnik angisuunik pisisarunnaartoqarluni minnerusunik pisisoqartalissappat iluarinartuusoq Naalakkersuisut isumaqarput, tassunga ilanngullugit plug-in hybridbiilinit 'biiliaqqanut' nuunnerit.

Siunnersuut unammillernerulernerimik nassataqassasoq AN naliliivoq, tamannalu naggataagut namminersorlutik inuussutissarsiorturnut iluaqutsiissaaq. Plug-in hybrid 4x4 ataasiinnaap pisiassaanera AN-ip innersuussutigaa, tamannalu inuinnaat namminersortullu niuernerimmi periutsinik iluaquteqannginnerannik nassataqarpoq. Allannguneq unammillernerimik annertusisitsissaaq, tamannalu inuussutissarsiorturnut inuinnarnullu akit appasinnerulernerisigut sullissinerullu pitsaanerulerneratigut iluaqutsiissaaq. Taamattaq akitsuummik allannguinnermut aki pissutigalugu biilnik anginerimik pisisoqarnani minnerimik pisisoqartalissasoq AN naliliivoq.

Akitsuummik allannguipeq pillugu siunnersuummi siunertat naapertorlugit biilinit annerusunit biilinit minnerusunut pisiumanerulernermut akitsuummik allannguiqerup pinissaa Naalackersuisut pitsaasuutippaat.

Siunnersuut aqqusinermi angallannermi isumannaallisaanikkut annertuumik kinguneqassasoq AN naliliivoq, biilimmi pisiarinqarnerminni 75.000 kr-it inorlugit akillit assakaasut sisamat tamaasa atorlugit nutsuisuunngillat, taamaammallu ukiukkut ingerlavigiuminaatsuni marrittarlutik, taamaalillutillu imminut, angallattunut allanut pisuinnarnullu navialisitsisarlutik.

Biilit pisiarinqarnerminni 75.000 kr ataallugu nalillit 'atoriarlugit eqqagassamngortarneat' AN-ip oqaatigaa, taamaammallu ukiut 15-it sinnerlugit piusinnaanissaat naatsorsuutigineqarneq ajortut.

Akitsuut kittaartuunani qaffakkiartortuussasoq AN-ip siunnersuutigaa, taamaalilluni Kalaallit Nunaanni innuttaasut biilimik sorlermik piserusunnerlutik toqqarsinnaassammassuk, inatsisit toqqaasuunatik.

AN-ip pisinermi akilerneqartup 100 procentianik, taamaattoq minnerpaamik 50.000 kr-inik akitsuusiinissaq siunnersuutigaa. Tamanna AN-ip isumaa naapertorlugu Kalaallit Nunaanni biilimik niuernermit nalinginnaasunngortitsissaaq.

Naalackersuisut isumaat naapertorlugu biilit avatangiisinut sunniutaat apeqqutaatinnagu procentimik aalajangersimasumi akitsuusiineq biilimik oqimaatsunik mingutsitsisunilu eqqussuerusussutsimik annertusaassaaq.

Taamaammat siunnersuutip allanngortinneqarnissaanut Naalackersuisut pissutissaqarsorinngillat, taamatummi allannguipeq avatangiisinik aallaaveqarluni eqqarsartaatsimut biilit akitsuutaannik aaqqissuusseqqinnissamat siunnersuummullu toqqammaviumut akunnakusoortitsissaaq.

Aatsitassanut, Suliffeqarnermut Nunamullu namminermit Naalackersuisoqarfik

Eqqussuinermit akitsuutit pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuummut Naalackersuisoqarfik oqaatigisassaqanngilaq.

Kommune Kujalleq (KK)

Siunnersuutip aappaanut 2017-imi tusarniaanerup kingorna ilanngunneqartumut allannguutit KK-p isumaqatigai.

Den 16. august 2018

UKA 2018/198

Kommune Kujallip siunnersuummut isumaqataanera Naalakkersuisut iluarisimaarpaat.

Sagsnr.: 2018-11472